

**ԵՐԵՎԱՆԻ ՊԵՏԱԿԱՆ ՀԱՍՏԱՏՄԱՆ ԳԻՏԱԿԱՆ ՏԵՂԵԿԱԳԻՐ
УЧЕНЫЕ ЗАПИСКИ ЕРЕВАНСКОГО ГОСУДАРСТВЕННОГО УНИВЕРСИТЕТА**

Քիմիա և կենսաբանություն

2, 2012

Химия и биология

Հիմք

УДК 544.4:[546.882+546.17-124]

**ՖԱԶԱԳՈՅՑԱՅՄԱՆ ԴԻՆԱՄԻԿԱՆ ՆԻՌԲԻՈՒՄԻ
ԲԱՐՁՐՁԵՐՄԱՍԻԱՄԱՆԱՅԻՆ ԱԶՈՏԱՅՄԱՆ ՊՐՈՑԵՍՈՒՄ**

Ծ. Ա. ԱԴԱՄՅԱՆ*

ԵՊՀ ամօրգանական քիմիայի ամբիոն, Հայաստան

Քանակի քառեր. Ախորիում, Ախտրիդ, Կինետիկա, Իզոքերմ, ոչ իզոքերմ,
ֆազագոյացում:

Ներածություն: Անցումային մետաղների նիտրիդներն ունեն բազմազան կիրառման բնագավառներ, որը պայմանավորված է դրանց ֆիզիկաքիմիական ու մեխանիկական հատկություններով: Այդ նիտրիդներն անուր են, մաշակայուն, ունեն բարձր հալման ջերմաստիճան, ինչպես նաև առանձնանում են քիմիական իներտությամբ: Դրանք արդյունաբերական նշանակության կարևոր նյութեր են և կիրառվում են կտրող ու ծակող գործիքների, մաշակայուն ծածկույթների, կիսահալորդիչների և այլնի պատրաստման համար: Նիտրիումի նիտրիդներն օգտագործվում են կերմետների ու հատուկ ապակիների արտադրության մեջ, իսկ նիտրիումի մոնոնիտրիդ (NbN)՝ նուրբ և գերճնորդ գերհաղորդիչ բաղանքների ստացման համար և այլն:

Անցումային մետաղների նիտրիդների սինթեզն իրականացվում է բարձր ջերմաստիճաններում ($1000\text{--}1500^{\circ}\text{C}$) վառարանային եղանակով, կամ տեխնոլոգիական առումով առավել շահավետ և վերջին տասնամյակներում լայն տարածում ստացած բարձրջերմաստիճանային ինքնատարածվող սինթեզի (ԲԻՍ) եղանակով [1–3]: ԲԻՍ-պրոցեսի դեպքում քիմիական ռեակցիայի մեծ ջերմանջատման շնորհիվ սինթեզն ընթանում է ոչ միայն բարձր ջերմաստիճաններում ($1500\text{--}4000^{\circ}\text{C}$), այլև ելանյութի ինքնատարացման մեծ արագությունների պայմաններում ($10^3\text{--}10^5^{\circ}\text{C}$ աստ/վ): Մասնավորապես, նիտրիումի նիտրիդների դեպքում սինթեզի ջերմաստիճանները կախված պայմաններից (ճնշում, նորացուցչի քանակ, նախնական տաքացման ջերմաստիճան և այլն), գտնվում են $2000\text{--}2500^{\circ}\text{C}$ տիրույթում, իսկ տաքացման արագությունները՝ $10000\text{--}15000^{\circ}\text{C}$ աստ/վ տիրույթում [4, 5]:

Նիտրիումի ազոտացման պրոցեսի կինետիկայի, դիֆուզիայի և ֆազագոյացման օրինաչափությունների ուսումնասիրության վերաբերյալ աշխատանքները քիչ են [6–10]:

Նշենք, որ բոլոր այս աշխատանքներում հետազոտություններն իրականացվել են բարձր ջերմաստիճաններում, իզոքերմ պայմաններում և հիմ-

* E-mail: tsovinaradamyam@ysu.am

նականում ազոտի բարձր ճնշման տակ: Այսպես, [6] աշխատանքում հետազոտություններն իրականացվել են $1600\text{--}2400^{\circ}\text{C}$ ջերմաստիճաններում և 1 մթն. ճնշման պայմաններում [7]-ում՝ $1100\text{--}1400^{\circ}\text{C}$, [8]-ում՝ $1400\text{--}1800^{\circ}\text{C}$ ջերմաստիճաններում և ազոտի 1–30 մթն ճնշման պայմաններում [9, 10]-ում՝ ազոտի 1 մթն ճնշման պայմաններում համապատասխանաբար $1510\text{--}1930^{\circ}\text{C}$ և $1405\text{--}2035^{\circ}\text{C}$ ջերմաստիճանային տիրույթներում: Նշված բոլոր աշխատանքներում ուսումնասիրված ճնշումների, ջերմաստիճանների և ժամանակների միջակայքերում դիտվել է նիտրիդային երկֆազ դիֆուզիոն գոնայի առաջացում: Հարկ է նշել, որ թվարկված աշխատանքներում առաջին չափումները կատարվել են փոխազդեցության սկզբնական պահից բավական ժամանակ անց (երբեմն ժամեր) [7, 8]: [8] աշխատանքն արժեքավոր է նրանով, որ այնտեղ բերված է նաև Nb–N₂ համակարգի վիճակի ֆազային դիագրամի ճշգրտված տարրերակը: Բերված տվյալներից հետևում է, որ գրականության մեջ բացակայում են ուղղակի կինետիկական տվյալներ նիտրիդի բարձր ջերմաստիճանային ազոտացման սկզբնական փուլերի և այդ պայմաններում նիտրիդային ֆազերի առաջացման դինամիկայի մասին: Վերջինս կարևոր է այդ նիտրիդների EHV եղանակով ստացման պրոցեսի դեկավարման և օպտիմալ պայմանների ընտրության առումով:

Սույն աշխատանքում խնդիր է դրվել հետազոտել և պարզել նիտրիդի նիտրիդների ֆազագոյացման դինամիկան այրման ռեժիմում՝ նիտրիդումի նիտրիդների սինթեզի ջերմաստիճանա-ժամանակային տիրույթին մոտ պայմաններում: Հետազոտություններն իրականացվել են ինչպես իզոքերմ, այնպես էլ ոչ իզոքերմ ջերմային ռեժիմներում՝ ազոտի 20–300 *S₀* ճնշման տակ:

Նյութեր և մեթոդներ: Նիտրիդումի ազոտացման կինետիկան հետազոտվել է էլեկտրաքերմագրաֆիական եղանակով [11]՝ տեսածրող էլեկտրաքերմագրական սարքավորման օգտագործմամբ: Ելային փորձաննուշներ են հանդիսացել 100 մկմ՝ տրամագծով և 8,5 սմ՝ երկարությամբ բարձր մաքրության նիտրիդումի մետաղալարերը (“ESPI Metals” մակնիշի, մաքրությունը 3 N (99,9%)), որոնք տաքացվել են նախօրոք տրված ջերմաստիճանային ռեժիմով գազային ազոտի (մաքրությունը՝ 99,98%) միջավայրում՝ անմիջական էլեկտրական հոսանքի միջոցով: Համակարգչային դեկավարման շնորհիվ հնարավոր է եղել փորձերն իրականացնել հաստատուն և գծային ռեժիմով տաքացման պայմաններում, ինչպես նաև ապահովել փորձի ընթացքում անընդհատ չափող պարամետրերի (մետաղալարի ջերմաստիճան, էլեկտրադիմադրություն, անշատված հզորություն և այլն) ավտոմատ կերպով գրանցումն ու մշակումը:

Մետաղալարի ջերմաստիճանի անընդհատ չափումներն իրականացվել են ջերմահաստատուն սիլիցիումային արևային ֆոտոէլեմենտների օգնությամբ (10^{-5} լ/ժ ժամանակային հաստատունով)՝ օգտագործելով ԻԿ ֆիլտրեր: Ֆոտոէլեմենտների աստիճանավորման համար օգտագործվել է վոլֆրամի լարի էլեկտրադիմադրության համար հայտնի ջերմաստիճանային կախվածությունը [12]: Ջերմաստիճանի չափման սխալը չի գերազանցել 1,5%:

Իզոքերմ փորձերն իրականացվել են 2100°C ջերմաստիճանում, իսկ ոչ իզոքերմ փոխազդեցության փորձերը՝ $1200\text{--}2100^{\circ}\text{C}$: Գազային ազոտի ճնշումը փոփոխվել է 20–300 *S₀* միջակայքում: Իզոքերմ փորձերում մետաղալարը շատ արագ ($t \leq 0,005$ լ) տաքացվել է մինչև տրված ջերմաստիճանը և այնուհետև ավտոմատ կերպով պահվել է հաստատուն: Ոչ իզոքերմ տաքացման

ժամանակ նմուշները նախ՝ թոփքածու տաքացվել են մինչև 1200°C , ապա տաքացումը շարունակվել է գծային օրենքով (տաքացնան արագությունը կազմել է $100^{\circ}\text{C}/\text{ասա/վ}$ մինչև 2100°C , որն այնուհետև պահվել է հաստատուն):

Փոխազդեցության տարրեր փուլերում փորձերն ընդհատվել են և նմուշներն ենթարկվել են զանգվածաչափական, մետաղաբանական, էլեկտրոնամանրադիտակային և ռենտգենաֆազային հետազոտությունների:

Զանգվածաչափական վերլուծության իրականացման համար կիրառվել է ВЛР-20г. տիպի անալիտիկ կշեռք՝ 10^{-5} գ ճշտությամբ (կշռվող լարերի $\sim 10^{-2}$ գ զանգվածի դեպքում): Առաջացած արգասիքների (նիտրիդային ֆազեր և ազոտի պինդ լուծույթ մետաղում) միկրոլառուցվածքն ուսումնասիրվել է օպտիկական (Jenavert, Carl Zeiss Jena, խոշորացումը մինչև 1000 անգամ) և լուսածրային էլեկտրոնային (BS-300, Tesla, մինչև 10000 անգամ խոշորացման տակ) մանրադիտակների օգնությամբ: Ֆազերի նույնականացումն իրականացվել է ռենտգենաֆազային վերլուծությունով (Դրոն 3.0 տիպի դիֆրակտունտուրով):

Զանգվածաչափական և մետաղաբանական, միմյանցից անկախ կինետիկական հետազոտությունների արդյունքում, հնարավոր է եղել բացահայտել ֆազագոյացման առանձնահատկությունները դիտարկվող համակարգում ընթացող հետերոգեն փոխազդեցության ժամանակ:

Արդյունքներն ու դրանց քննարկումը: Նիտրիում-ազոտ համակարգում՝ համաձայն վիճակի ֆազային դիագրամի [13], հնարավոր է մետաղում ազոտի պինդ լուծույթի և տարրեր բաղադրությամբ մի քանի նիտրիդային ֆազերի առաջացում: Nb_2N նիտրիդային ֆազն ունի հոմոգենության լայն տիրույթ՝ մոտավորապես $29,5\text{--}33,8$ ատ.% ազոտի պարունակությամբ: NbN ֆազը բնութագրվում է բավական նեղ հոմոգենության տիրույթով (մոտավորապես $48,6\text{--}50,5$ ատ.% ազոտ) և կայուն է մինչև 1360°C : Ազոտը, լուծվելով նիտրիումի մեջ (առավելագույնը 11,7 ատ.%), իջեցնում է վերջինի հալման ջերմաստիճանը $2469^{\circ}\text{--}2350^{\circ}\text{C}$: Սակայն հետազում [13]-ում բերված դիագրամում $\text{L}_{\text{ենգաուն}}$ ի և համահեղինակների կողմից [8] կատարվել են ուղղումներ, որոնց արդյունքում ճշգրտվել են որոշ ֆազերի հոմոգենության տիրույթները և կայունության սահմանները: Մասնավորապես, հայտնաբերվել է, որ գոյություն ունի $\delta\text{-NbN}$ մոդիֆիկացիան, որը կայուն է մինչև 2200°C , իսկ $\gamma\text{-Nb}_4\text{N}_3$ մետաստաբիլ ֆազն իրականում կայուն է մինչև 1100°C , որից մեծ արթեքների դեպքում ֆազային անցման շնորհիվ վերվածվում է բարձրջերմաստիճանային $\delta\text{-NbN}$ մոդիֆիկացիային:


Իզորերմ պայմաններում ելային և փոխազդեցության տարրեր փուլերում ստացված նմուշների ընդլայնական հատույթի՝ լուսածրային էլեկտրոնային մանրադիտակով (ԼԷՄ) ստացված պատկերները, ինչպես նաև համապատասխան նմուշների ռենտգենագրամները բերված են նկ. 1 և 2-ում:

Փոխազդեցության տարրեր պահերին ընդհատված նմուշների ԼԷՄ և ռենտգենաֆազային հետազոտություններից պարզվել է, որ ազոտի ճնշումից կախված, կարող են դիտվել նիտրիումի ազոտացման տարրեր ռեժիմներ, մասնավորապես.


• 20 Տորը ճնշման պայմաններում փոխազդեցությունը սահմանափակվում է միայն ազոտի լուծման պրոցեսով, նիտրիդային ֆազերի առաջացումը չի գրանցվում (նկ. 1, բ);

• 100 *Sppr* ազոտի ճնշման դեպքում ազոտի լուծմանը հաջորդում է ազոտով աղքատ նիտրիդի՝ Nb₂N առաջացումը (նկ. 1, գ և 2, ա): Բայց այդ, ինչպես երևում է նկ. 1, գ-ում, պինդ լուծույթի զոնայում նկատվում է լավ արտահայտված բյուրեղների առաջացում: Դրանք, ամենայն հավանականությամբ, 2100⁰C-ում առաջացած պինդ լուծույթի՝ մինչև սենյակային ջերմաստիճան սառեցման դեպքում, գերհագեցման արդյունքում անջատված Nb₂N-ի բյուրեղներ են: Դա՝ նիորիումում ազոտի լուծելիության ջերմաստիճանային ուժեղ կախվածության հետևանք է [13]:

• 300 *Sppr* ճնշման դեպքում նետաղում ազոտի լուծման հետ միաժամանակ տեղի է ունենում Nb₂N նիտրիդային ֆազի առաջացում, որին հաջորդում է տվյալ ջերմաստիճանում վիճակի դիագրամին համապատասխանող մյուս հավասարակշռական նիտրիդային ֆազի՝ NbN առաջացումը (նկ. 1, դ և 2, բ):




Նկ. 1: Նիորիումի լարի բնույթային հատույթի ԼԷՄ-պատկերները. ա) ելային լար; բ) $T=2100^0C$, $P_{N_2}=20$ *Sppr*, $t=4$ վ; գ) $T=2100^0C$, $P_{N_2}=100$ *Sppr*, $t=0,5$ վ; դ) $T=2100^0C$, $P_{N_2}=300$ *Sppr*, $t=5$ վ:



Նկ. 2: Տարբեր պայմաններում ազոտացված նիորիումի լարի ռենտգենագրամը. $T=2100^0C$:
ա) $P_{N_2}=100$ *Sppr*, $t=0,5$ վ; բ) $P_{N_2}=300$ *Sppr*, $t=5$ վ:


Զանգվածափական վերլուծության արդյունքներից երևում է (նկ. 3), որ ազոտի ճնշման մեծացմանը զուգընթաց տեղի է ունենում պրոցեսի արագության զգալի աճ: Ընդ որում, ճնշման ազդեցությունն ավելի զգալի է մինչև 100 *Sppr* տիրույթում:

Զեավորված դիֆուզիոն գոնայի կառուցվածքն ու նրանում ֆազերի բաշխվածությունն ուսումնասիրվել է մետաղաբանական վերլուծությամբ:



Նկ. 3: Նիորիումի լարի զանգվածի փոփոխությունը տարբեր ճնշման պայմաններում.
 $T=2100^{\circ}\text{C}$, $P_{\text{N}_2} = \blacklozenge - 20$, $\blacktriangle - 100$, $\blacksquare - 300$ S^{-1} .

Կողմից արդեն կլանվել է տվյալ ճնշման ու ջերմաստիճանի պայմաններում հնարավոր ընդհանուր ազոտի քանակության կեսից ավելին (նկ. 3 կետագծով նշված է NbN -ի առաջացմանը համապատասխանող ժամանակը $P=300$ S^{-1} ճնշման դեպքում):




Նկ. 4: Նիորիումի նիտրիդային շերտերի աճման կինետիկական կորերը. $T=2100^{\circ}\text{C}$,
ա) $P_{\text{N}_2} = 100$ S^{-1} ; բ) $P_{\text{N}_2} = 300$ S^{-1} :

Ինչպես երևում է նկ. 4-ից, թէ՝ 100, թէ՝ 300 S^{-1} ճնշման պայմաններում Nb_2N շերտի աճի համար դիտվում է որակապես նոյն պատկերը: Մինչև որոշակի հաստություն ($\sim 15\text{--}20$ մկմ) Nb_2N շերտի աճն ընթանում է գրեթե հաստատուն արագությամբ, ինչը վկայում է դիֆուզիոն պրոցեսի համար 2-րդ կարգի սահմանային պայմանի իրագործման մասին: Ավելի խոր փոխարկումների դեպքում շերտի աճն ընթանում է արագացմամբ, որը կապված է մետաղալարի գլանային համաչափության ազդեցության հետ:


Ոչ իգորերու պայմաններում նիորիումի ազոտացման պրոցեսի հետազոտություններն իրականացվել են 100°C աստ/վ արագությամբ (V_w) գծային տարացման պայմաններում 1200°C – 2100°C առավելագույն ջերմաստիճանի և ազոտի ճնշման 20, 100 և 300 S^{-1} արժեքների դեպքում:

Նկ. 5-ում բերված են նիորիումի լարի զանգվածի փոփոխության կորերը համապատասխան տաքացման շերմագրերի հետ միասին՝ տարբեր ճնշման պայմաններում: Մետաղալարի զանգվածի աճը նկարագրվում է S-աձև կախվածությամբ, որում կարելի է առանձնացնել սկզբնական արագացող ու հետագա դանդաղող տիրույթները: Սա երկու մրցակցող գործոնների

հետևանքում է. այն է՝ պրոցեսի ջերմային արագացման և դիֆուզիոն ինքնարգելակման միաժամանակյա ազդեցության:



Նկ. 5: Նիորիումի լարի զանգվածի փոփոխության կինետիկական կորերը գծային տաքացման դեպքում. $T_{\max}=2100^{\circ}\text{C}$, $V_w=100^{\circ}\text{C}/\text{աստ/վ}$, $P_{\text{N}_2}=20$ (ω); 100 (p); 300 (q) $S_{\text{որ}}$ (կետագծով նշված է ժամանակի այն պահը, երբ դիտվել է NbN ֆազի առաջացումը):



Նկ. 6: Նիորիումի նիտրիդային ֆազերի աճման կինետիկական կորերը գծային տաքացման դեպքում. $T_{\max}=2100^{\circ}\text{C}$, $V_w=100^{\circ}\text{C}/\psi$, $P_{\text{N}_2}=20$ (ω); 100 (p); 300 (q) $S_{\text{որ}}$:

Մետաղաբանական հետազոտությունների համաձայն (նկ. 6), առաջացող դիֆուզիոն գոնան, կախված ճնշումից, բնութագրվում է ֆազային բաղադրության ու աճման տարրեր կինետիկական օրինաչափություններով: 20 $S_{\text{որ}}$ ազոտի ճնշման դեպքում տեղի է ունենում միայն նիորիումում ազոտի պինդ լուծույթի և Nb_2N նիտրիդի առաջացում: Ընդ որում վերջինն առաջանում է փոխազդեցության սկզբից որոշ ժամանակ անց (նկ. 6, ω): Նիտրիդային շերտի աճն այս դեպքում զանգվածի աճման կորին համանման նկարագրվում է S-աձև:

կախվածությամբ: Սակայն ավելի խոր փոխարկումների դեպքում նկատվում է ն' կլանված ազոտի քանակի, և նիտրիդային շերտի հաստության նվազման միտում, ինչը ցածր ճնշման տակ Nb_2N -ի դիտումն հետևանք է [6, 10]:

Ազոտի թե՛ 100 Snppr , թե՛ 20 Snppr ճնշումների դեպքում դիտվում է նոյն ֆազային բաղադրությունը: Սակայն, ի տարրերություն, վերը նշված դրսորման, շերտի մեծ հաստությունների դեպքում աճման կորն ունի արագացող տիրույթ (նկ. 6, բ): Սա հետևանք է այն բանի, որ նիտրիդային շերտի հաստացման հետ սկսում է ի հայտ գալ մետաղալարի գլանաձև համաշափության ազդեցությունը, որը փոխարկման աստիճանի մեծացմանը զուգընթաց ավելի զգալի է դառնում: Այս երևույթը դիտվել է նաև իզոթերմ փոխազդեցության ժամանակ:

300 $Snppr$ ճնշման պայմաններում դիտվում է երկշերտ նիտրիդային դիֆուզիոն զոնայի առաջացում, ընդ որում NbN ֆազն առաջանում է Nb_2N -ի առաջացումից զգալիորեն ավելի ուշ (նկ. 6, գ): Դա վկայում է այն մասին, որ պրոցեսն ընթանում է գազային ռեագենտի սահմանափակ տրման պայմաններում, այսինքն՝ երկրորդ կարգի սահմանային պայմանով (պրոցեսի արագությունը կախված է գազային ռեագենտի ճնշումից), և դիֆուզիոն զոնայում նիտրիդային շերտերն առաջանում են ոչ թե միաժամանակ, այլ հաջորդաբար: Ուշադրության է արժանի այն փաստը, որ Nb_2N շերտն աճելով հասնում է մինչև որոշակի հաստության (տվյալ դեպքում մինչև $\sim 30\text{ մկմ}$) և այնուհետև դիտվում է նրա հաստության նվազում: Վերջինս պայմանավորված է այն հանգամանքով, որ Nb_2N շերտի ներքին սահմանը հասնում է մետաղալարի կենտրոնին (շերտերի հաստությունների զումարը հավասարվում է մետաղալարի շառավղին) և առաջացած երկրորդ նիտրիդային շերտն արդեն աճում է առաջինի հաշվին: Պրոցեսն ավարտվում է, եթե ամբողջ մետաղը փոխարկվում է NbN մոնոնիտրիդի:

Եզրակացություն:

- Բացահայտվել են ֆազագոյացման օրինաչափությունները նիորիումի բարձրցերմաստիճանային իզոթերմ և ոչ իզոթերմ ազոտացման պայմաններում ազոտի ճնշման 20–300 $Snppr$ միջակայքում:
- Ցույց է տրվել, որ ազոտի ճնշումը որոշիչ դեր ունի ինչպես արգասիքների ֆազային բաղադրության, այնպես էլ ֆազագոյացման մեխանիզմի վրա:

Ստուգվել է 17.02.2012

Գ.ՐԱԿԱՆՈՒԹՅՈՒՆ

1. **Merzhanov A.G.** // Ceramics International, 1995, v. 21, p. 371.
2. **Borovinskaya I.P.** // Pure and Appl. Chem., 1992, v. 64, № 7, p. 919.
3. **Мержанов А.Г., Боровинская И.П.** // Доклады АН СССР, 1972, т. 204, с. 366.
4. **Buscaglia V., Caracciolo F., Ferretti M., Minguzzi M., Musenich R.** // J. of Alloys and Compounds, 1998, v. 266, p. 201.
5. **Yeh C.L., Chuang H.C.** // Ceramics Intern., 2004, v. 30, p. 733.
6. **Вадченко С.Г., Григорьев Ю.М.** // Металлы, 1979, № 1, с. 187.
7. **Lengauer W., Bohn M., Wollein B., Lisak K.** // Acta Materialia, 2000, v. 48, p. 2633.

8. **Joguet M., Lengauer W., Bohn M., Bauer J.** // J. of Alloys and Compounds, 1998, v. 269, p. 233.
9. **Портной К.И., Салибеков С.Е., Левинский Ю.В.** и др. Сб. Химия и физика нитридов. Киев: Наукова думка, 1968, с. 69.
10. **Кипарисов С.С., Левинский Ю.В.** Азотирование тугоплавких металлов. М.: Металлургия, 1972, с. 160.
11. **Kharatyan S.L., Chatilyan H.A., Arakelyan L.H.** // Mater. Res. Bull., 2008, v. 43, iss. 4, p. 897.
12. Таблицы физических величин. Справочник (под ред. акад. И.К. Кикоина). М.: Атомиздат, 1976, 1008 с.
13. Phase diagram database TAPP 2.2.

Ц. А. АДАМЯН

ДИНАМИКА ФАЗООБРАЗОВАНИЯ В ПРОЦЕССЕ ВЫСОКОТЕМПЕРАТУРНОГО АЗОТИРОВАНИЯ НИОБИЯ

Резюме

В данной работе исследован процесс азотирования ниобия в температурном интервале $1200\text{--}2100^{\circ}\text{C}$ и при давлениях газообразного азота $20\text{--}300\text{ Torr}$. За динамикой азотирования ниобия следили как в изотермических, так и в неизотермических условиях. Выявлено влияние давления азота на фазовый состав продуктов и механизм фазообразования.

Ts. A. ADAMYAN

DYNAMICS OF PHASE FORMATION AT HIGH TEMPERATURE NIDATION OF NIOBIUM

Summary

In this work the nitridation process of niobium within the temperature range $1200\text{--}2100^{\circ}\text{C}$ and the pressure of gaseous nitrogen $20\text{--}300\text{ Torr}$ was investigated. Dynamics of the niobium nitridation was explored both under isothermal and non-isothermal conditions. The influence of nitrogen pressure on the phase composition of products and phase formation mechanism was revealed.